周 易 新 講

義

悔吝者生 推變在 乾坤成列而易立乎其中者易之義也八卦成 而象在其中者易之象也易之義蘊於乾坤而 矣故乾坤成列而易之義立易之象則乾坤不 成列象在其中矣! 繋騨 故八卦成列 、其中矣繋解焉而命之 平 義卷第九 事り 写真に 祭七 動者也 而易之象見方其三畵以像 因而重之 宋 鄭原 交在其中 其中 深甫 ·矣吉 剛 撰

象者 重 象在其中 三オク 變動也故天下之 数也九六之 |之者成卦而已而日爻在其中者蓋爻者九 而 而雨之以像三才之 以明爻也而辭者以皷天下之動則 而爻者言乎變則變斯 已矣故日因而重之 **封之成體也故天下之願存爲爻者六位** 定 體則謂之八 者基八卦 數定而封成卦成則爻亦隨之 動存焉剛柔相 和錯則六十 卦 變動則非復 成列者 作則无所 其中矣繫辭 四卦成 八卦而 有所作也 因 推所以成 重 一於兼 也因 巴而 而命 也 因 而

動貞夫 剛柔者立本者也變通者趣時者也吉凶者貞勝者 也天地之道貞觀者也日月之 言爻也成列者設卦之序也立本者成卦之才 變化者與體也故陽為變陰為化變動也變逼也 重爻則兆於變而備於動故吉凶悔吝生焉 剛柔者立本者也此言卦也變通者趣時者也此 出 不易也猶天之命萬物也計則兆於成列而備於 入往來而不可以靜言者動也命之 一者也 闔 關而不可以常言者變也征行作 ŗ 道貞明者也天下之 定吉凶而 也

静足 後之 待者 者則謂之通有以剛立本而 則同體者也故有為有行者 疽 立本而以剛變通者立本者不變趣時者无常 非貞不足以勝也然貞之爲道不獨勝吉 則貞而已矣故靜勝躁貞勝吉凶方 魔時而已也時之所趨者我則赴之也隨時者 止也悔 以止之也易以內卦為貞外卦為悔貞者静 也趣時者先之也乘時者下之 也古凶者貞勝者 見りの行動を 者動而過也動然後有悔 也此言吉凶雖 以柔變通者有以柔 則謂之 也應時者 動徃來不窮 其有吉 有吉凶不 生 一乎動 凶 有

夫乾確然示人易矣夫坤隤然示人簡矣 雖 差故 生乎動者離靜而波動者也自立本王貞夫 與正非 **攝動以歸靜也** 動以貞則貞夫 自其靜而 地之道以正則其用足以周物貞明是也天下之 天地日月之道天下之動亦本諸 日正天下之動不 也非一 了一等 元本 言之則爲 是也自其靜而正言之 也所主之不同耳 而已矣故 則亂 天地日月之道不正 故曰貞夫 此 放自八卦 而已矣 者乾坤 則爲貞 則

爻也者效此者也象也者像此者也交象動乎內古 凶見乎外功業見乎變聖人之情見乎解 然示人易隤然示人簡易簡之體也確然堅高也 **隤然甲順 也乾體堅 高矣則 羰若難** 言乾坤之示人皆以簡易則爻之所效象之所像 則簡簡者循理也 易易者因性也坤體早順矣則疑若煩而其示 亦以簡易也爻象動乎內吉凶見乎外此以卦 為主也吉凶則事物也內在所此而幽外在所 簡易是也乾以易知坤以簡能易簡之 而其示

乎解一 盡其言也示人者所謂象也 獨而也矣非可以言也及夫 故其情見乎辭 **容憂虞失得凡 不也見乎辭則或言變或言象是也獨** 以斷 解者常也益有動乎內故有見乎外有見於變 顯功業見乎變 者其理隱也至乎動 也天下之 月易打清後 卷九 凶之謂也以 也聖人之 可以示人者 理有隱有見日變有其中日 闔 情則功業者事也以變 關之謂也聖 心則无思也无為也 猫 、與民同患則吉凶 則 有吉凶變 日易有四象所 繫之以解所 、之情 有 動

天地之 何以聚人日財理財正解禁民為 之 而至八卦自易簡 位 以裁成天 自天地之有生以至聖人之制器 而至乾坤自簡易而歸之聖人之情見乎解 序也 文繫之以辭則其理見而示人矣 見易之為象也天地設位聖人成 大德日生聖人之大寶 所以輔相天 地也天地之 といっていま 而歸賢人之德業下 地者也天以乾元資始 大 德日生聖人之 日位何以守位 非 自聖人 日義 能成 則自 則自乾 能者 之 寶 制 出 日 所 果 掛 坤

仁故 而 同 一放日何以守位日午 四王亦大者同也位出 四王亦大者同也位出 四王亦大者同也位出 四王亦大者同也位出 四王亦大者同也位出 نو /矣而无 一万千馬見 財仁 財以 德 仁配也質則 聚之 也 德 而 聖 理萬物 之 者則 **興所** 亦 政 也義 窮 為之 者 大 大寶城 位 也 而 為 利 勢 者 散 无 則生 配之中有 財 位 人在 歸之 无 則 聖 所 所 四

天地之於萬物春以生之夏以通之通之則極矣 强者奪富者并日出而无窮故生之 一也无以理之則上之闔散収歛不得其平下 不為放明禮義以道之 能正其解則民知利而不知義飽食逸居而 用之有禮所以謂理財也理財則天下之用 亂矣理財以富之正解以教之然後禁民為 **ළ而不困矣雖然財者民所利也** 民也所以養善而去惡也此亦天地之理 周易教前者まり 一辭也解正則天下之民有分守 '立法度以齊之有名 有道取之 以利養民

於地觀鳥獸之 卦也 **若伏犧神農以至黃帝堯舜皆古之** 其守位其聚人其禁民為非皆具乎仁 息亦循 後飲之以秋歸之以冬而華者實銳者挫勞者 測 包骸氏之 順大道之序而陳之 調 此而 **制奶炸精能 格北** 神 俯仰以 文典地之宜近取諸身遠取諸 e 王天 用莫先於易无 日生生之 觀遠近以取而已矣 下也仰則觀象於天 以作 謂易則萬物之 八卦為 王天下者也 義者也 始其作 則 體臭妙 物 隂 英

為 兆 也亦莫 有 陰陽其往來為畫夜其融為 於神易斯具神易之 形 卦也孟子日萬物皆備於我矣 蚁 其色 見於易故合而為 取 〈與地 É 非易也夫自 也故仰以)其象其數其動其息 而晁靈為草木 ノジョス 11年 4年 達 宜有所觀也近 其體 觀象於天 天 八地之 體 **渾淪散而爲** 用 而華實為鳥獸而 此伏犧所以有所 取諸 其 江 以至萬物之 以 其消其長 親法 用此 河其結為 灰身而誠樂莫 身遠 兩儀 所以 於地 莫 取 變 Щ 細 始 諸 觀 非 雅 觀 撒 柳 物

待 豈 旔 典者 物 聖 逺 後 聖 人効之 亦无 近 如 典也 人則之 此 天相 平不觀觀之 而 間者蓋 則 観え 巴也 河 出 天 人也 文省 於地 垂象見吉凶聖 且不 圖 神 而 天成象故 風 後 洛 无 象微 取者 出 有待 乎不 而理 書 而後 當則亦无乎不 連人 仰 而 典 易无 法 、則之 人象之天 一繫日 也 此所謂 泉於 地 諸 待 取 爲 生 地 變 也

之理山川高下丘陵墳衍動植之所生皆有所 草木之華可知矣觀地之宜則天之明可知矣 法也萬物負陰而抱陽其形體其容色皆有 **也放觀地之宜以求諸陰陽之義觀鳥獸之文** 之文而鳥獸之文爲著故觀鳥獸之文以求陰 性命之理 諸身則 圓 象也山上 直 八卦以通神明之德以類萬物之 月上新 者舉矣遠取諸物則凡有形名有分 構粗小大凡宿乎道德之意者舉矣 四支百骸 澤說水潤火炎凡有形於 耳目鼻口 動靜 出 納 地者 則 宜 踼

事 於文 明 道 也 則 也陽之所 **隆陽** 則 德 其 而智者之 在 何 自 赐 成 月10万寿是 佐九 物有 備 然之理盡矣然後觀地 雜 由 自其體 至於无 資 然後 者 而通乎 所 始 出入之方有 也易日物 道 也 取 則 而言之 而 自其 其 迷 針 妙 者地 用之 也 用而 則其夷不可 相 則 重 也古 言うさ 體 神 故 也 ささ 隂 而 七 人言道以 降 宜 え 則 視其希 明不 宜 應時 聖者之 所 義 泉 所 觀 輔 謂 所 所

命於无者同宗而成於有者異族其性不 順者為坤動者為震止者為艮伏者為異見者 遠近之間而其象可畫其實可名也故健者為乾 具其色高甲小大物陳露此聖智者有 情不同故本於天者不下本於地者不上同聲者 則 皆坤屬也以至動者屬震止者屬艮說者屬兌 之天下之所謂健者皆乾屬也天下之 陷者為坎艎者為離其象異則其畫異其性 其德異此所謂通神明之德也萬物之生雖受 應同氣者相求其雜不 一而八卦各以其性 得於俯仰 所謂順者 則 其 為

枚 在 同物之 之情也莫 説 而識 此 乎幽者 凡在乎 制 器 為 問別所滿歲 顯 闡莫離 幽於神 卦 岡 者微使 Ż 署 所 則 易 體 尚 象具矣 即八 平 明 卷九 其象 之 以漁 萬 P 德 即 物之 卦 基 天 也 類求馬此 易 而易 之 取諸 情 地 性 而 以入 山 而 れ 離 具 夘 别 健 所 以 卦 同 順 類 謂 水 之 類萬 動 對 故 類

所當也故聖人之制器唯以尚其象為王而義 重門擊桥之取豫其實雖 實生於泉尚其象則義亦隨之也若耒耜之 坤亦如之也詩之緇衣改為而後改造改造而 以事明義者非有象者无義有義者无象也各 也 之中有稱時義者六爻之中有以物明象者 暴客者豫義也以至佃漁之取離衣裳之取 月月月間 也其序則有自然之象而義隨之也 和漁 酡 內外相 而加之以農事者益義也待未 承或因或貳各以 取封之象而亦弁卦 取 有

繩 則 則 爲 致精 詩之 則結之 相繼亦言 也 者 陸 不可以 動 斷揉而為耒耜者為 也作而後為 者 則言 而 倻 謂 **| 木則 膦之揉之** 以久故作從 為而起 有所爲 ア・アートラーモ からし 作人傳之 設 تح 也 故通 者作 作蓋莫顯於作莫不 也在天)所謂 人從乍而 者作也 **炒為天** 也 **岡 罟 者 亦 各 以 其 序** 為 則雷雨 作氣是也其 取 為彼 即 神 後 也 作 農黄帝堯 結 為而 雕之 故 是 飊 者 顯於 也在 岡智 用 而 即 力 為 勞 舜 罔 也

包機 以教天下葢取諸益 取諸離離者麗也 卦上 屈木之直而為之耒耜之利以教天下獨益之 耜者耒首也斷木之銳而為之耜耒者耜之 所蓋取諸毉嗑 為 諸益而益者於佃漁為益也 氏没神農氏作斲木為耜揉木為耒耒耜之 一震而下異其異為木以動入爲用也故曰 **柔而麗兩剛之間則小者无不雕也故日** 市致天下之民聚天下之貨交易而退各得 柄 世

神農氏没黄帝堯舜氏作通其變使民不 動 通故為 使民宜之易窮則變變則通通則久是 易動而合合而為養也故曰 古之時鳥獸多而人 而相合之義也八 佃漁不足養也故教之耒耨而後農事典洪範 獨遊嗑之象則離上明而日中震下動而交 日中之市以致天下之貨交易而退各得 用力打講我 生儿 日食是 也然而有无不相交易則貨 政而其序與一 民少故佃漁而衣食足 **基取諸噬嗑噬嗑者** 日貨是也 修神 以自 而

此 成乎堯此之謂也通其變言其政也神而化之 聖 聖 其道也物之於人其用不能常通其久必窮言其 **時焉先後之相因終始之相循使民不後時而** 政則昔之所悉今之所緩後之所是前之所非 之謂使民不倦不倦者其心也道者因其 人者作然後變極而法備楊雄日 已矣為无為事无事順性命之 人為能通其變其可者則因之 不先時而作新則其應時即事常日新而不 理其變未極 則其法未備)理而不强其 **香則 華之若** 至黄帝 法始乎伏 堯 自 惟 窮 吉 然 厭 四

謂事同也變則通通則久神而化之之謂也與聖 言之則理也易窮則變通其變之謂也與通變之 言之則事也事在民故有不倦者有宜之者自 如丘陵墳街高下肥穘雖 焉此之 使之 久於其道而天下化成者同也理在天故 有理與事通者推 謂使民宜之宜之 生乎故長乎性成乎 而終之以君子之動之類是 不利繫解有惟理以及事者有攝 不同而居之 | 者其性 理以及事者若 卒 也自黄帝堯舜 和其 也有攝事以 者莫不宜 所以 事 自

後 觀 序亦同 於易也 理事所主不 則內 類是 理者若黄帝堯舜之使民而終之以易第 道也帝 其象而玩其辭 仁失仁而後義失義而後 天祐之吉无不利老子日 第 也有理事通融者凡 德 也 王 則變變 王則內 同而 のまるがら 業 為天 動 聖 此精粗之體不同也猶傳 則 則觀 通 而 也與孟 人之 通 其變 則 所謂 失道 帝則内 所 醴 所 此 聖 助 而 易是 調神 皇帝王之 而後 玩其 則 人之於易 神 也聖 德失德 占 而 也故居 也故皆 一君子之 也 也 則 而

也而稱帝者以其道雖在皇 **已矣其德以土** 步 其功之在物 之在帝 自其事之在民則日神農 而已故三皇者道也自其道之 相 以天命 或以人心 體則稱皇帝尭舜與王 别 聚王馳騖其疾徐之節亦不同也至於立氏以 或 而日 以其體或以其事或以其德或以其 用多新講談 卷上 放勲者以其功向於王也故皇與帝 則日包儀自其德之在火 則 則不 日黄帝蓋與炎帝同也三皇 必如其序各魔世之 同 此制器也則稱其事 和其功向帝也獨尭 在天則曰大皡 則稱竞舜禹湯 十三 則曰炎帝 功或 所尚 İ

剡 黄帝堯舜埀衣裳而天下冶蓋 諸浜服牛乘馬引重致遠以利天下葢取諸隨 諸乾坤天下治則四方之川塗通故爲舟楫以 而退而後食貨足教民始於有君臣上下而後 義有所錯故衣上裳下示之 之乾尊坤甲之象也故 理財正辭禁民為非能教民者也富民終於六易 木爲楫舟楫之利以濟不通致遠以利天 **犧神農方聚人以財能富民者也黃帝堯舜** ·乘馬以施諸刳木為舟以利載也刻 日垂衣裳而天下冶盎 以有君臣之義也猶 取諸苑坤刳木為舟 下盖取 則

後 車 也故 古之 撃桥 指 以 利天 /利萬 之 · 葬者厚水之 易之 日葢取諸渙服牛乘馬 利以威天下基 世 聖 聖 · 猶 隨 民以濟葢取 周易新講義 卷九 待暴客卷 以 人易之 易之 宮室 之前動而後 以 以棺椁葢 t 取諸豫斷 新葬之 取諸 諸 棟 工 契百 小 下字 聧 過弦木為 說 而 取 以 Ŀ 官 中 引重致 木 也 + 待風 古 四 為 野 英 杵 宂 基 居 雨 遠 榍 弧 封 剡 施 而 地 取 盖 古 諸 樹 木 取諸 野 為 處 為

楯 取 治栗而食矣杵曰所以治栗而食也 在 · 本取諸歌暴客小害也小害止則居者安一下而動擊析之身十二— 者故繼之以待暴客 豫之成卦也二陰以耦在前重門之象也 動掘地為白而下止狗 **塗通則暴客至矣故重門以禦之擊析** 有所 過 利 桥之象也三陰安於內豫之 人也故 日益取諸 過言居者故繼之 小過之上動 小過 浜 奥 而 泉也故 隨 可以 陽 音

以 基 无而卒 所以治联 岡 送死而无憾矣然而器以利為體 皆制器也若耒 治 取 清联: 也 下者所以養之也有日 而 仰以 若岡野天裳 塗以通 馬切所簿是多五 其居 食其大 **教** 漁垂衣裳而天下治者皆用之 さ 天下者其利待教而 猶 耜 害則威之 其小害則警之 則富之 ·舟楫 則不言利者以用為三 と 動)以 子矢 弧 以擊析然後 矢 則 則言利 動 後 教之 然 而後致用 後可 下也 其 也 以治之 也 謂

地 者所常也 世皆易之事其序所以養生丧死 也 有易之 致周 而民厭之 理萬物者仁義而已矣聖人之於 有風 以待風 者古未有是而民利之也今 雨之 野處者所 而 二隆 也今則 勞故易之以宮室 雨獅 者義也聖人之所 能陵也 暫也定 易之而已 批二陰 展則 放日基 非棣宇 而无 矣以 在 取 諸 以 則 憾也定 動 之逸 致高 古對 相 之 四 居

陽卦多隂隂卦多陽 小人之道也 陽又有君子 前章既序易象皆具聖人之 智也吉凶因於得失故曰生言有本 吝 也以 震块艮陽卦也以 者 也易 ·疵也故日著言自微以至著也 則德行亦不 用方所衛後 後七 耦為三故多陽所 君而二民君子之道也陰二君而 小人之道也聖人之名卦各以其 其故 同者 奇為主 何 也陽封府陰封耦其 制 因之 |故多除異 作故 放也成 也 が対力之 如是也 針之 離 則精 兌 隆 肵

同 道 歸 也除卦 在. 則 也 者也 憧 寒 往 雜 而 憧 殊塗 而所 而不一 則 以 往來 則雜民道也陽卦 寒暑 以耦為主 日來 役 致ァ 爲 在一 朋從 月 君則言貴 而 月相 推而歲成 P 則是 百慮天 人之道也故 爾思子曰 推而 、蠖之 以 以二 為 在 天下 焉往 明 F 以 一為君 奇為 生 何 孔 E 者 焉 而 思 下 个者: 何慮 寒徃 者也君子 何 所賤在二 主 以 也 則 也來者信 思 以二 見 則 FI 九 暑 往 卦 以 一所主 為 來 さ 明 則 道 君

期 也 過 將 困焉 君 妻其 藏器於身 各 而 往 也易 必辱非 有 ·蒺蔾 義 未之 利 可 獲語 不見 子 或知 入于 得 日 待 成 利 屨 隼 見 所 ŗ 神 校、 其宮不 時 者 地窮 邪 據 器 易 滅 勸 致 禽 而 而 而 動何不 據焉 趾 日 動 神 无 公 威 者 見鄉 身 各 也 用 其化 利 人者器 此之 必危 射車 妻 懲 德 Z 安 凶 有 謂也善不 也 盛 既辱 身以崇 小 動 射 高 也 日 燗 之者 且危 易 非 而 不 さ 恥 所 德 不 死

君子安而 其位者也广者保其存者也亂者有其治者也是 輔 而 而國家可保也易日其亡其亡繫于苞桑 微吉之 而弗爲也以小惡為无 揜 位 以成名惡 罪 尊 覆公餗其形 先見者也 夘 而不 不忘危存而不 用多新 小而謀 一交不留下交 可解易日 不積不 調報花九 渥 君子見 大カツ 足 凶言 ·志亡洽 何 傷 以 滅 而 而 · 漬其知幾乎 滅平 身 弗 任重鮮不及矣易日 勝其任也子 作不 而 去 小人 凶 也 故惡積而 忘亂是以 子日危者 以小善爲 八終日 舺 徳 幾 故

定 言致一 不與也 不遠復无脈悔元吉天地 物 凶 知微 **废幾乎有** 其交而後求君子脩 與則傷之者至 化生易日三人行則損 舺 也子日君子安其身而 以語 りりで年も 巻七 日負吉 夘 不善未甞不 則 柔 民不 矣 剛 應 易 此三 萬 他 枫 弁 焉 夫 日 无交 一者故 和之 組萬 之望子 寧用 日故全也危以到人教動易其心了 产 物化 而求 未省後行 終日) 或撃之 則 斷 行則 醇男女 顏 以 民 可知 也 而 動 則

崇德乎即精義而 成之九四憧憧 安身者安身之至也不能有見於其始事至 用者乃所 以崇德光利用乎解之上六猶能利用况安身以 過 身者也 禍前而後悔者則其次也 用 用也豫之六二知幾神之事也精義不 以安身以崇德也困之六三不能安 而已精義者乃所 止則為噬嗑之上 九四不能利用者也此五卦之六爻 徃 來 致用者致用之至也即利用 非致 以入神以致用也 岩 也而致 九矣否之 初九 道在 是也

為貴以 此有 思有患 同歸而殊 此 以各之復初九 无方雖歸之 何慮同者道 則有思而思以有歸也 四 若損之六三是也益之 卦者申精義 思 則 耦為賤以奇為王 而 F j 塗 有慮 朋從之也天下 下等记 表已 也无 者殊途而其所歸者 、殆既幾所 而慮以有致 也成之 其變有 同歸 調精 非无 九 則无事於思慮也夫 也 四 () 他无 義也 九不 為賔其體至精 而 思以感初而初應 : = 殊塗則天下 致 能 則 約有數以 此 而 致 其體至 A 同此之 慮 則 者 則 奇 也 何

其所 者乃乖於道也非所謂殊塗也以慮而有致者 致而百慮故以思而有歸者則不同 以道而殊塗者 而歲 可貳雖 同歸 自 成焉 明生喬寒往 也故! 而百應者乃逆於德也非所謂 所致者百處而致之者則 殊塗 感而利生焉尺蠖之屈以求伸 此言天地之自然其以往 乃 其 日日 非思以有歸也往 往 則暑來暑往 所自同也以德而百慮者 則月來月三則 則寒來 者屈也來 不同而 屈 此之 H 寒暑 來 百億 也龍 殊 H 者 塗 也

謂 静以存身皆 明生者有靜而其歲成者屈 所謂殊塗也或明生或歲成所謂同歸也求伸 日與月同於生明寒與暑同於成歲所謂合異 存身也所謂百慮也或屈以求之 蛇之蟄以存身也言萬物之自然其動以求 同也及 而 則利 致也同者合異而為同也一者自己 火螻屈也而為伸龍蛇伸也而為屈所謂 也往來者時也故相推 生而已 問易折講義 卷丸 安尺 致以百慮非慮以有致也相推 、螻者 伸者形也故相感 相 产 或鞍以求之所 世 有動而 而 伸 也 者 而 相 其 也

輸 通 窮 同 能入 猫以存 神者 命理天之 求 也 理通理則可以窮神義粗故欲精 さ 因其所 龍 初 」則見 伸則精 初 蛇者 與神 身 與神典體 所為也道德義 則 自然之 静 義者 然後 利 而窮之 同 而其 用者不 體 也故欲 不可不 也 理自然之 可以出 利 則為第合彼此 故欲窮不窮則 生 甲 知 也 而 庾 さ 知安身以崇德 盡 寒 神 所為也 神 見 以致 暑 則不可窮神 則 也 而 和精 因其所 同 不足 門 用也 爲 也 理精故 以盘 屈 췧 則 者 為 也 神 桶 硅 者 為 神

智者之 也道也者神而已矣葢非崇智之 此崇智之事 也窮神 及也過 而 E 致用即利用而崇德者聖人之事也崇智之所 不能 不能安身以崇德也上 者非)所大迷也非知變知化以神者不能與此 此以往 能安身以崇德者非 入神以致用者非所謂精義也知利 非崇德也九二非 ·· 也 崇智 以 為 盛 徳 可 也 以 為 道 以神知神也知化者非知變者也 則神之事也乃七 所謂致用也即精 所及也若 聖之所失道 困也而 困 困 則 用

則藏 隼 危 **勸其善不 威不** 而 其妻 可獲况 小人之 非安身也不能安身以崇德雖 思待時 器於身以終則待時而動以動則 則獲 恥不仁 一月易新 (汎出) 福 而有利待 而動者君 入而止 也屢校 行不畏 則小人之 講義 而 ·懲也故戒以懲其惡小懲而 動乎解之 卷九 乎此達於終始善於 以滅趾是 成器而後動者也雖高 義 也 初六 異乎噬嗑之 不見利不 也惡積而 主 、能利 滅平堤 勸 用者也 · 其宮 解 也 小 出 而 故 可 也

以崇 之六三不能安身以崇德也否之九五利用之終 與事次之不正而應上 也故身安而國家可保也反鼎之九四不能安身 而不得中則智小而謀大以不足之才而受有餘 言利用之終則歸於安身故其序以身爲先而 (而智與力次之言理則先精義言事則先利 **| 六利用之** 德也安危以身言存亡以國言治亂以天 (則力少而任重不能安身以崇德則以德 引り厅島是於九 始也故日藏於身待時而動及 也言精義則先精者也各以 一則德溥而位尊上 产日 應 為 位

獨居而无交則內忘我外遺物頹然於吉凶之 序也知幾其神乎又日君子上交不謟下交不瀆 石不終日正吉介如石焉寧用終日斷可識矣 其知幾乎申知幾也幾者動之微吉之先見也又 所故无事乎知幾也一與物交則吉凶隨之故 夫之**望此因六二以言君子之所謂知幾也君** 言六二之爲君子也君子知幾知彰知柔知剛 日君子見幾而作不俟終日申見幾也易日介 交有入於語下交有流於瀆其端不濟於毫末之 微而其未之盛遂至於合抱不知幾而已矣幾 月多春青年日 此 萬

交不瀆者知幾而已矣故日 也乃吉之先見也君子之 古平豫之時莫不動以求豫而六二上无應下 之爲各非於生靜也乃動之 矣斷者不凝滯於物之 而作不俟終日知幾者理也見幾者事也六二之 承則介于石而不動可謂知幾矣故曰君子見幾 者无知也无不知也况幾乎无見也无不見也况 可謂體之 則爲明知其幾神乎體之也與神 一八丁年 と 巻七 也故日介于石焉寧用終日斷 謂也故知幾之道體之 **| 於動所以上交不韶** 知幾其神平蓋神 微也非逢吉而後見 可

能晦能明知柔知剛故能屈能伸此所以動則 父者同也微彰者道也杂剛者德也知微知彰故 非能废於幾於废幾又殆為 剛 來同也非若先知幾於神而已知微知彰知柔知 於地道也殆與庶幾皆訓近殆近凶幾近吉吉者 理則悟聖人之知幾也復之初九造形而後悟 上下之交靜則為萬夫之望而已矣豫之六二 之殆族幾也知幾其神乎則道足以同歸德 **致故无祗悔言聖人之於天道也殆庪幾** 用力利司命 也非特萬民之堂而已也與所謂為果 | 枚无 風悔言賢 則 當 賢

致 可以精義而致一天地網組萬物化醇言天地之貳也在復之初而近中不遠者也能殆废幾然後 以過言之則不貳以復言之 足於先見常近於吉也故有 **女相為夫婦然後萬物化生自氣而言則** 與氤氲同園者氣相因氲者氣相溫 相溫 足於先見也知之未常復行所 也男女構精萬物 願故疾為衆所願之 以為和則萬物之化也醉而 周易新講義 卷九 化生言男女之 列不 善未甞不知 遠未當復行 謂近於吉也故 巴 致 矣至 相因以 行雕 所 於 也絪

者也是欲求益而適有損也非所以致一 立心勿常懼以語者也莫益之或擊之无交而 有全而无损益之上九以刚乘刚乘危以動者也 益 者言厚也自構精而言則日生 **也君子安其身而後動則行不招辜易其心而後** 致 不測致 則旨不招憂定其交而後求則人與之故其道 上九者也三陰應上則上致疑而有損致 一則上得爻而為益傳日為物不貳其生物 而已矣損卦狼下益上其道上行而六三 一之謂也其不能致一者若益之上九是 生者言形也凡以 一也故 者 也

前章旣序隂陽之 出也去 日乾坤其易之) 雜而不越於稽其類其衰世之意邪 剛柔 别也要之 或知者 調 道无異相言有不 放此序乾坤為陰陽之 致 有體以體天 周易折講義 卷此 加於 也利 門邪乾陽物也坤陰物也) 封有君子小人之不同而繼 用者所 塗 八地之 而終於 而同歸也九卦者利 致 而百慮者聖人也精 同渾而言之則 撰以通神明之 百慮也過此以往 上十七 物而易道之 陰陽 徳井 所 自

者至於乾也坤也則形而下者也形而下則形之 所自也易也者則所謂玄也成性存存也其 玄之叉玄也成性存存也皆形而上也故有自之 自之者其玄之又玄則為眾妙之門葢物性 也散而言之則與物往來與物出 也其成 性存存則為 道義之門 基道人 虚 坤 **封刷录之爻皆出焉此之** 方也而乾坤為之 非道莊子所謂 體以至示有象傚有變易之 无 門 方其 无旁四達 謂有所自者故以 出入往來无 入有所自有所 道自之也 之皇皇是 所謂 置也 自己

物者不能 物則有成體道散則无往而非物故乾純剛而无 可以為陽陽不可以為陰則所謂成物者也有成 為易之 之物也形而上 **柔則為陽物坤純柔而无剛則為隂物隂陽者** 而上者也葢道之物也乾坤者形而下者则隂 之人所謂未始有物者至矣易之謂也至於陰 其體雖以 剛柔有體合德者莊周所 門門者往 明多所清徒卷九 物而物物者非物也則易所謂非物 隂 一者獨陽不生獨陰不成故陰陽 陽成名而其實不物於陰陽 111 加肅 也莊 周 日 有

以 體 德 乾 有 而 道 **直**而 體 坤 也 馮 則乾 柔 是 乾 者則乾屬凡歷乎 而 體天地 四 ・時大 坤 也 以 乾 地 尊 數 其 闢 坤 兩 易 序則 者 而 爲 ヹ 以 則乾奇而 者與天 坤 交 夘 Ż 撰 至 平 險 為 通 道 體 反乎隂 地 則 乾 大 以 成 无 华 方 人生為 (靜則: 坤 坤 和 耦 也 陽 而 质 、乾專 一健資 而 者與天 以位 者 物 (坤屬· 乾 生其時 生 也 則乾 坤爲之 而坤 焉 故 地 是 易 相似 為 也 倉 坤 乾 方道 畫 V) 以 则 而 此 夜 坤 乾 至 動 坤 腿 順 と 其 剛 侧

變其德為君子 萬物各以其性得之者德也神明之所爲也乾 道為化 類者所 則體天 辨於 類故凡乾屬者則其體為剛其時為畫其道 之其變者文例之 道 、地之撰八卦則類萬物之情體者 其德為 為消長使 同也物有成體則有成名有成名 同典之 而作物者撰也天地之所為也別於道 周易新講家卷丸 謂也通者无閒於幽 人觀其象則 坤屬者其體為柔其時為夜 、其立 此之 一本也其趣時也則 調以 夘 通神明之 其德 願之 所 則各 間也 徳體 相 别 世 有

夫易彰往而察來而微顯闡幽開而當名辨物正 | 辭則備矣其稱名也小其取類也大其古遠其 所以與民 其言曲而中其事肆而隱因貳以濟民行 情偽相感而愛惡相攻而擾擾萬緒起矣此聖 衰道丧則離道以善殷德以行然後去性而從心 自然雖結繩而天下治蓋无事乎作易也及夫 知其變然後違害而就利釋凶而取古民之 亦患之故日於稽其類其衰世之意邪故世 則同乎道同乎道則在混浆之中莫之為而常 同患而作易也 以明 盲 網 世 患

得之 者微之幽者闡之 言之也其用 闡 靜專為 也神以知來智以藏往著卦之德也彰住而祭 者乾坤立而易為之用也故為彰往祭來為徵顯 幽以至開而當各乾坤者兩言之也其體 故天地則體其探神明則通其德而已易者 繁自易而及乾坤者易立而乾 說也幽顯者相待之體也循所謂幽明之 **禽闢為大生為廣生此則自乾坤而** 月易新講義 卷九 則兼於兩故往者彰之來者祭之 往來 者相因之 = +)時也循所謂 爲 用也故 及易 則

陽之不測者幽也而易於顯則微之故君臣之 有氣矣而未有形有象矣而未有器其上至於 數可陳而不可亂其下至於人倫之繼悉者顯 當名也葢易以乾坤爲蘊故闔而无體以乾坤 也故明惟微顯也故神能神則能明此所以開而 顯也於幽則闡之故天下之至變見於剛柔相 則 无不理而理之所在有幽有顯有方有體其度有 者易之道也者彰藏之顯也察者知之 下之至精見於探著制器所謂闢幽也惟闡 有進退之 幾顯背之 細則有陰陽之義所謂 盡也 夫 也 際 幽 易 道

地之 者无不盡之辭也自廣大而言則有遠有近而天 辭之備在乎辨物正言之 而不越言名之有分也開而當名言名之有實也 可正之言故有各則有分分有則實實有則 辨物正言為主故謂之斷辭斷者有所辨 月設封觀象為王故謂之 乎天地之間辨物之 則備矣原易之廣大則所言遠近而其言之備 故開而當名由開而當名故辨物正言於斷貯 間 則備矣可當之名則有可辨之物物 周易新講義 卷九 出入故言乎往來幽顯而 |繋聨繋者有所屬也以)際備者无不足之 三士 也夫備 類雜 謂 則

雖近 微近 遠皆所謂 有美意也 惡其 也而陰陽之 **児乾** 吉凶皆剛柔 也而君子之 稱名也小其取類也大言名之 而其肯遠 事雖質而其辭文文者物相雜也故 之健稱牛 一解者成文也言則有 類也有類然後有旨有解有言有事旨 消長之 者意有餘也故婚媾取女情之 行止存焉故言天下之 巴 相錯之文故言天下之至動而不 · 矣至於相感而為利害 以况坤之 數存焉趾夤腓輔體之 順其解雖近而其古 謂 有類也若 事 則有理其言 至頤而 椰 垂 馬

其方旣有典常此之 庸者中之 自然 故合為天下之至神也方世之 者道也故風溥而雷典雲徂而兩 以為二方者不可以為圓則其事肆 直也形而下者器也故有分守有形名 所以然則其事肆 下无常剛柔相易則不可為典要初率其解而揆 亂 人道則常以中為 而 P 一一丁青年 医心 小變也天道 **突 基**无 所謂 而隱肆故散為天下之至明隱 調其言曲 以變為主而後能中故 三而後有變若中庸是 因演也至當)未衰也民同於道 而中曲者非理之 **潤莫知其變之** 而顯形而 者不 人
基无 鬥

易
ウ 以 所 貮者貳之若征吉征凶是也民行不同有可因而 而 凶威貳以吉威貳以凶皆失得之 而 智有不足以知者故明之明之所以告之 明失得之報可因者因之 謂得失也易者衰世之意也故因貳以濟民行 因者皆不足以自達故濟之或因以吉或 因者 患而已 與也其於中古乎作易者其有憂思乎 特示之 有可1 コドルクを記録 以象而已 貳而不貮者有宜因而貮者有宜 j)齊者所以助之也盎不特 者无 梅无 報雖同為所 谷是也可 也 因

故履德之基也謙德之 舜為後世則 之也 特有思也而又有所憂不特有為也而又有所 因之而已故易藏乎天惟中古之世衰則聖 **故易顯乎人** 古者文王也上古之時為天下者无 又日易之典也其殷之 員多所清疑 卷點 脩也益德之 八典者有待而起也作者因 古者伏羲也易之典也其於中 而 後世聖 | 裕也困德之 柄也復德之 末世周之 一人易之 = 1= '本也恒德 盛德邪 以宮室以 思也无為 其典而 則 古

地也異德之制也 命知常之時也柄則與事接本則與道俱與道俱 是也履德之基也履禮也基者自下而立也此立 惟其有憂患故設卦之序亦有修德之意若 故日常德之固也益有履而不復則不能常矣 則仁足以復命智足以知常仁足以復命則德之 而用之也葢德言盛禮言恭也復德之本也此復 所生也於德為本智足以知常則萬物莫能傾 禮也謙德之柄也謙者禮之甲以自收也 八事也本者天理也柄者有為也本者无為 ノバコアコー 柄 九卦 也

履和而至謙尊而光復 **先難而** 通而困相遇井 者德之辨也異乎尚口乃窮也尚口乃窮者以言 不足 制也制言所行之有變也困无井則不通 為辨也并德之地也地者言所居之常也異德之 而无不為也常 益以趣時故損則損其有餘所以為修益 後 所以為裕趨時之變具而後可以處困故 而 隱 易益長 Ī ----而无 也者立本也有常以立本必有 裕而不設困窮而通井居其所 小而辨於物恒雜而不厭 , 異則无 入故、 : . . 異入 別益 故 也 損 其 而 困

盖卦有德 基以德言也履 乾則亨故日至此禮之 涅而不緇同也損以自損為先而後 九 用言也履者以柔履剛而能說故日和說而應 光尊而光者隆而與人 行所謂雜也 用 局 多 都 語 報 老 斯小 典物辨也謙則其體光光斯大矣復則其 而九三以剛下人 矣雷 則有體有體則有用 雜 風 和而至以體言也自履以和行以 則宜 相與異而動剛柔皆應然後 È 用和為貴也謙之成卦 厭 一承下綏衆陰歸之 同也復 而愈久所謂不厭也 故三 三**十**四 小而辨於物 言之履德 人益之故 放轉 興 則 門

盆 **履以和行謙以制禮復以自知恒** 者施 能稱 先 能長裕以輔萬物之 以典利 静非知物也故以自知常則終: 益長裕而 難 以柔履 其性 也 而 後 困 施 剛以 以寡怨 剛 易益之 設困窮 則 人能隱 就應乾 見內柔則伏故 制 道)自然而不以 以進 而通者說也 禮則不至 辯義異以 和 則无 行則 以 一於失 稱而隱異為權 一井居其所一 不至 德損以遠 權 為 節復及本 施 故以 一於不可 設之 生則无 枚 客 而

始 荀子 志之 行之始欲和和則剛柔不乖德之始欲 故以寡怒并居 巳而不及物故益以典利與楊子所謂成天子之 无二 利 以禮知常則 權則稱也辩者稱 所謂恭儉者併五兵同也有損而无益則利 同也君子 時也故有義有 自益而不已則傷之者至故損以遠害與 則明也異稱而隱則其柔足以盡變故以 非无怨也寡而已矣處窮而能通 其所而 **故濟之以損益困者致命** 遷則 智也行者仁 其剛足以體常故以 L也行不 則終 同

虚上 易さ **臨父母初率其辭而揆其方旣有典常苟非其** 不虛行 以度外 有乾坤爲易之門 觀其變而玩其占故其為書也不可遠方消方息 万盈方虚或在此或在彼而不可 三章初言易之本體中言易之六爻末言易之 也君子之 為書也不可遠為道也 下无常剛柔相易不可為典要唯變所適其出 内使 司切所其民民化 知懼 於易也居則觀其象而死其解動 .則易典矣故繼言易之為書者 又明於憂患與故无有師保如 層遷變動不 EF · 居周流六 則

變也則雖為書而无體體變動不居周流六虛 道 柔其體也位斯有常矣而其不居至於无常體斯 易矣而其相推至於相易故不可以為要典者 无常刚柔相易所謂无定體也變動不居言无 也屡遷惟不可遠也則雖說天而有近 為也周流六虛言无乎不在上 有常也要者體之不易也有常位則有典 則有要物之理也惟不可以典要也故惟 已矣掛以示人 日虛方其周流而无不在 日畫立以處已日位 **下其位也刚** 用惟 剛 展

明於憂患與故則能愛故无 後能致欲愛者情性 否而後居也此之謂知懼也有所思則齊 憂患與故其出 則戒有所因之 有典常凡 入之時以位則有內外之分以 无常雖有剛桑而 月1分所轉長 卷九 此易之辭也道則善變故 其 師 故則隨所感而通之 入必待師保者 相易辭 也人 之於易也 則有常故以 師 八就位常 八道 此之 雖 有 父母 則能 父毋 謂明於 則 有所處 其可 有

物也其初難,好其上易,外本末也初解擬之卒成之 易之為書也原始要終以為質也立 道則神而明之存乎其 也辭有指故率之言循以往也方有所宜故揆 初率其解而揆其方既有典常及不可爲典要者 原始要終以為廣此言其六爻之終始也六爻相 也 有典常也然則易之 而居也率其解揆其方其初也 八苟非其 八爻相雜唯其時 人則道不 加其終此之 虚

在有終始之定質然後剛柔相錯以成文之來成有擬有議也對皆有所終而難窮故要之要有成有擬有機有議也對皆有所始而難測故有成有人之終此言六爻有初有終有始有 一定之質斯有相雜之文則位有初上事有本爻相雜惟其時物也時者畫夜也物者陰陽也 則後後則難 留 THE PARTY OF THE P 如末則彰 有難易故有所謂擬 彰 郑那故要之要者定 知如而難测故原之 四 · 則易知而一見於醉 位有初上事有本末 相錯以成文故日 微彰也初解 有卒有: 初 鹏 原

初上為質以六爻為文以 中 有 也 中或 雜 **卒成之終也卒成之終** 爻者以 其上則始者卒生 以正或以過或以不及所謂撰德也是 或 以 、 撰 則 成之其 德辩 事則 居 多意言等 若 隆 可知矣知者 (居陽 非本末 是與非則 雜 者成 物 或以陽居 一故解 撰德 以 初 道 觀其象醉 非其中爻不 则 如 无 則非 上 之 **隂**所 為質 事於 是與 始 以中 所 擬 終 則 如 水水 矣 備寬亦 也 思 則 過半 文為 放易 所 惟 就 其 也 威

以言 存亡事之吉凶要之 動也以家為要則智者觀其彖辭 要存立吉凶者要中爻之 爻者六爻之要也象者 待於爻也葢所要者愈 與非爲要則存亡吉內 同功 而明之者辨 月一万千七年 美石 也 則可. 辨是 終也 舺 約則所知者愈易矣 與非者 卦之要也 同 居 矣要者得其要也 蓋有 多譽四多懼 道 可炯矣言无待 原中爻之 而 思過半 山 非 則位 近 也

剛 同 陽者所同也內外者所異也其善不同者所謂 為道不利遠者其要无咎其用柔中此言二也除 勝邪 譽多懼也夫柔之 異位此言三也以陽則同功以貴賤則異位 同功而異位其善不同二 則多凶五則多功貴賤之等也其柔危其別 用柔中也此言二 功而異位三多凶五多功貴賤之等也其柔危其 謂中爻者二四三五是也而四位之中二與 岸 多 教神等を 雖遠而多譽也三典五同功 為道不利遠者其惡无咎也其 一多譽四多懼近也示之 四

為出也以德則剛以道則君父之分也故多功功 懼者近尊也二則多譽者遠於尊也先王之制 者以事也四雖同於二而自內以之外離下體 言以杂在三則危以剛在三則勝也此所以多 則 近上為動爲出而不中則非柔之 子之分也故多譽譽者以德也五為上 近 不當以剛則大厲故動則多凶多者非常之 君則嫌於屈遠君則无所 一為下為內為靜為入也以德則柔以道 一雖同於五而以位 京 大大 則在下以德則不中以柔 屈而伸亦獨此而 学十一 所安也故多懼 一爲外為 則 動

易之為書也廣大悉備有天道焉有人道焉有地道 焉兼三 有變動故曰爻爻有等故曰物粉相雜故曰文文不 陽利近而不利遠者柔也故二與四以遠近別之 也以中爻較之則此為多也多功凶者貴賤之 則二與四之柔爲安三之剛勝則五之剛為當而 用杂中者多譽則五之多功者用剛中三之柔危 也則多譽多懼者以遠近言也无所符於陰宜 二之剛爲不及皆所以相明也 宜賤者剛也故三與五以貴賤等之有所待 材而兩之故六六者非他也三材之道也道 月月春春 4 貴

富 變動矣 易之 者方成象 爻所謂爻者言乎變者也道之 故吉凶生焉 在爻爻以變動為體者也而其等在位等者貴 順性命之理自陰陽而後有剛柔自剛柔 仁義及其為書山 丌爻之 為書廣大悉備 故以內外而言則一 凡反常者皆變也凡離靜者皆動也故 序而已 用力所情度 医光 兼三 放 莜 八卦有 而兩之 有天道也人道 兼三才故也方其作易將 則九六之 爲 畫 甲 初无 而无六爻 四十二 心地地 為尊以至 為也而變 數具而其道 道 則三 而後 也 順 有

陽交 終亦然其位不同故爻之 焉或不及焉此吉凶所以生也 分而已矣无過也无不及也惟其雜而不當或 遇六而 此而為大業也陰為陰陽為陽所謂相辨也陰 日文言自此而成章也文不當故吉凶生焉言 與也其當殷之末世周之盛德邪當文王與紂 陽與隂交 汝其解危危者使平易者使傾其道甚 為陰故目物物者陰陽之體也 懼以終始其要无咎此之 月月有育 所謂相雜也相雜而當則適 4 名亦不同遇九而為 謂易之道也 物 相雜 稱 放 與 過 自

於辭也中古則情偽起而文華多而文王與射 思之所據也序易之 使之平易者方狃 也故有末世然後有盛德二者相為盛衰 序作易者之尚德 世周之盛德當文王與紂之事基事者辭之 同民患也是故其隦危危者方困於險而求安則 則相雜以文則不當繫之辭者所以周世變而 古事簡 所容然其道甚大百物不廢近之於身遠 見一月一月 一月 一人 大小 而人質其於易也觀象而足 則言衰世之有憂患葢德者 ,於安而輕難則使之 為書也其辭危則言殷之 11.1 領其解 則事 則无待 所 則

定天下之吉凶成天下之亹亹者 至順也德行恒簡以知阻能說諸心能研諸侯之 乾天下之至健也德行恒易以知險夫坤天下之 盖懼以終始則有平而无領其要无咎則離大 皆在所取懼以終始其要无咎此之謂易之道 有要也 一繫始於乾坤之變化以易簡卒於賢人之德 於物徵之於无知幽之於无形荷可 **至成位** 業自聖 界多者部身 、末章則自卦象而言乾坤自道而見 而歸於德行 j 下繫首章則始於了 以取類者 慮 也 於 業

以至六辭葢上繫以理為主 而言聖人之 以天而言也 事為 **爽**自易或自天 也上則始於知太 以至定吉凶成亹亹者自天下 至大庄廣生者自易而言也下 用而終始於八 其明足以 見り斤斯を 成能自入 下則 始於示人 下或自天或自人 色化 一卦也 始 封以至易之情自易之 作成物卒以善 知險知阻 其剛足 乾 而始終於乾 則 坤 牙片三 自乾坤之 也 其序 以 則 一則言 人而 坤 配至德 育其 也 B

為 為陽之所止故陰之所陷在阻乾之上九知一次在險陽唱而陰和陽尊而陰甲陰出而非其時之所能止也陽陷於二陰之間則為難故陽之至原至順則疑若繁也而德行常簡以知阻非 知一 為事其體與坤同而无所屈純柔而无 以知險常簡以知阻 一陽之生則能用六而永正可謂知阻也常將生則能用九而无首可謂知險也坤之上,陽之所止故陰之所陷在阻乾之上九知一 知險非陰之所能陷也以資生為質 至健則無若難也 剛此之謂 以申於陽 隂 則 肾

坤 能止 諸侯者以為 业 心 諸侯 故 能 此諸侯之慮所 所以能 天下之亹亹 說 能 所能也以易知 成 説 粗則能研 云為吉事 周易新請義 能 慮定天下之 期 慮 說 也知險 謙 則 **慮者有為之** 君 族儿 則 以為 群象事知器占事知來天 以 謀百姓與 吉凶 能研也心者 有 陰 親 則 成 所生 不能 能 [] 十 臣有為 一也故 陷 Z3 知 能研 思之 阻 功此 而 世 所 則 則 地

來 器要其終也此事之已然也占事則未然 見吉事有解採其始也器者形而下者也象事 盡也云 得之於未然者也天地設位。此坤之定 位地 家生日 之民能而自姓血之也循典賢 於陰陽天道之盡也云為 如雲為如為 · 无所 一位而乾坤之尊甲定聖人之成能 也故不特成位乎天地之間而 14 M **录以情言剛柔雜居** 不能也人謀鬼 制字之意也觧者 談百 生於言行 プル 古口 姓與能 凶可見矣 體 者 福之 也 至 也 也 知

成體也故有所告而後有 動 為羣而 柔雜居而吉凶可見矣剛柔 的以情遷以理為三也八卦成列則以象告與天 也隂陽之 自乾坤之 垂 象同也爻言變象言象 推言其趣明立本則各為主而相 以利言吉凶以情遷 一也八 相通此其所以吉凶可見也 用多新衛軍城北 情人情是也有以象告有以情言故 士以象告爻录以情言變動以利言吉 德言聖人之成能以至百姓與之 所言言者 則以情言與人之情同 也相 四十五 摩言其成 争爻 心以事 則 例

是故愛惡相攻而吉凶生遠近相取而 悔且吝 相感而利害生凡易之情近而不相 動吉凶 愛惡者其情之 以利言以情遷也 相辨也故動則相取情偽者其心之相異也 以爻趣時然後 利 則相感而已 正而已矣正則无 致用也故有所言而後有所遷遷者因 方其泯然大 相違也故甚則相攻遠近者其位 正出而為利性努而 變動性而已矣利則无吉 順 得 悔客 則凶或害之 生情 偽

政 因 拟 和 以情 或 位 攻 惟 N 當 桂 也積而言 其以 而 以 遠 言之 逝 至於 近之 否此吉 相 /愛攻惡 相 威 動 別情者天 ~位爱 7 或 相 取 則 Ť Ź KJ. 以 凶 克 无 、惡之 梅客 則 偽 王 以遠 以惡 悔 於 相 E-51 相 吝 之所有感然後 感以至 取近 相 利害之所 攻愛 所 用 凶 也 U 以 有 或 凡 於 情 此 相 近 也 以 偽 感傷 取 愛 相 取 剛 以 因 八者 :通各魔: 相 各因其 遼 桂 取 以 或 攻通 偶 居 然 而為 Ŋ 或 則 後 其 威 Ż 當 吉 遼 以 也相 事

將 之 物也故 或害之悔且客不必 **黔多誣善之人其解游失其守者其解** 叛者其辭 善者反楊善者也失守者反得守者也故其辭 見其吉凶 故求易之情必自察辭始辭也者所 易之 則不親壹者不疑疑者不 愈者非其誠也枝者非其本也寡則當多 將叛 情則趣其變 利害悔客必待 愈中心疑者其辭枝 《者其辭 **慙辭慙萬物之情** 相 而 攻 已矣故 相 相 萱 攻 取 古人 近 一靜則吉躁 相 相 四十 取 感而不 以 相 さ 感而 後 親 趛 解寡躁 屈 情 生 則 則 屯 而 後 則 凶 察 誣 凶 生

すっ 一三十二二

尚 物 也 帅 と 下繫以事為用 其 人之情不同人之情不 何事於辭哉故日不言而信所 不言而喻出乎吉凶 繁以理 理皆備於我 情常見 凶悔客利害亦擾擾而 可據 為 也屈者非可 瓣 主 再見して、大田な 而 而終於不言而信益 反身而求之不言而足神 所 解 悔客之域 知人也成已 以祭其情 同 走矣 則其 也夫言者心之 辭 其 則 以 亦 極 成 易 知人也 已也以 所 Ž 其 以成 同 得

周	
易	
新	
講	也 知
養	人人
	智力
周 易 新 講 義 卷 第 九	性也知人智也所以窮理也窮理盡
	所制
	VI \$
	能
	il il
	43
	期
	理。
	藏之
	性以至於命
	至
	於
	A